



REPUBLIKA E SHQIPËRISË
STRUKTURA E POSAÇME KUNDER KORRUPSIONIT DHE KRIMIT TE
ORGANIZUAR
DREJTORIA E FINANCËS DHE EKONOMISË



RAPORTI I MONITORIMIT TË ZBATIMIT TË BUXHETIT

2020

Shkurt 2021

Tabela e Përmbajtjes

<i>HYRJE</i>	3
<i>1. Qëllimi dhe objektivat e programit</i>	4
<i>2. Analiza e shpenzimeve faktike të programit</i>	6
<i>3. Analiza sipas llogarive ekonomike 2020</i>	9
3.1 Shpenzimet e personelit	9
3.2 Shpenzime për mallra dhe shërbime të tjera	10
3.3 Transferta për buxhete familjare	11
3.4 Shpenzime për Investime Kapitale	11
3.5 Shpenzime nga të ardhurat jashtë limitit	12
3.6 Dretyrimet e prapambetura.....	12

HYRJE

Monitorimi i zbatimit të buxhetit të 12-mujorit të vitit 2020 për Strukturën e Posaçme Kundër Korrupsionit dhe Krimin të Organizuar përfaqëson procesin e vlerësimit të performancës së fondeve buxhetore, nëpërmjet krahasimit të treguesve faktikë të performancës me ato të planifikuar. Strukturat e SPAK-ut kanë kryer monitorimin e treguesve buxhetorë me qëllim ndjekjen në vijimësi të objektivave të synuar në përputhje me planin strategjik të ecurisë së institucionit dhe të gjitha kërkesave ligjore.

Nëpërmjet këtij raporti monitorimi, evidentohet niveli i realizimit të fondeve buxhetore të SPAK-ut në krahasim me planin e miratuar, të detajuar në nivel treguesi performance. Analiza e raportit të monitorimit të zbatimit të buxhetit vjetor i mundëson institucionit orientimin dhe sigurimin e një informacioni shtesë për të përmirësuar procesin e planifikimit dhe të menaxhimit të buxhetit.

Me qëllim për të kontribuar në proceset bazë të misionit dhe objektivave të institucionit buxheti i Strukturës së Posaçme Kundër Korrupsionit dhe Krimin të Organizuar, do të mbështetet plotësisht në udhëzimet standarde të hartimit të buxhetit mbi bazë të treguesve të performancës, por gjithashtu dhe monitorimin e realizimit buxhetor mbështetur mbi ato tregues të planifikuar gjatë hartimit të programit buxhetor afatmesëm.

Ky raport zyrtar do të shërbejë si një pasqyrë e rëndësishme përmes së cilës SPAK do të sjojnë lidhjen e kosotove buxhetore me produktet e performancës, si forma më e mirë e buxhetimit dhe vlerësimit financiar të ecurisë së institucionit.

1. Qëllimi dhe objektivat e programit

Buxheti i akorduar për programin “Veprimtaria e Strukturës së Posaçme Kundër Korrupsionit dhe Krimit të Organizuar”, ka në bazë të tij Deklaratën e Politikës së Programit të hartuar gjatë procesit të PBA 2020-2022 dhe është në funksion të realizimit të Politikës së Programit mbështetur mbi treguesit e performancës së institucionit.

Struktura e Posaçme kundër Korrupsionit dhe Krimit të Organizuar, mbështetur në Ligjin Nr. 95/2016, “Për organizimin dhe funksionimin e institucioneve për të luftuar korrupsionin dhe krimin e organizuar” është një strukturë e specializuar për të ushtruar kompetencat e parashikuara në pikën 1, të nenit 148/dh, të Kushtetutës, për të hetuar korrupsionin dhe krimin e organizuar, si dhe veprat e tjera penale të kryera vetëm nga subjektet e parashikuara në pikën 2, të nenit 135 të Kushtetutës dhe veprat penale sipas përcaktimeve të nenit 75/a të Kodit të Procedurave Penale. Mbështetur mbi prioritetet strategjike të institucionit dhe misionit e vizionit është synuar përmbushja e detyrave kryesore gjatë vitit buxhetor 2020 në luftën kundër korrupsionit dhe krimit të organizuar.

Politika e këtij programi konsiston në hetimin e thelluar të rasteve që lidhen me korrupsionin dhe krimin e organizuar në Republikën e Shqipërisë, duke u përqëndruar në çeshtjet me ndjeshmëri publike dhe arritjen e rezultateve në zbatimin e ligjit që do të përmirësojnë cilësinë e jetës së qytetarëve. Gjithashtu, në objektivat e institucionit qëndron përmirësimi i treguesve të respektimit të ligjit dhe shtetit të së drejtës, përmes përmbushjes së standardeve europiane të respektimit të ligjit. Një aspekt i rëndësishëm për konsolidimin e plotë është rritja e kapaciteteve të SPAK në vendosjen para ligjit të shkelësve përmes stafit të Prokurorëve dhe Byrosë Kombëtare të Hetimit, por edhe forcimi institucional nëpërmjet rekrutimit cilësor të burimeve njerëzore e mirëmenaxhimit të burimeve financiare.

Hartimi i politikave afatgjata në funksion të arritjes së objektivave strategjike për Strukturën e Posaçme Kundër Korrupsionit dhe Krimit të Organizuar, mbështeten mbi disa nga qëllimet bazë të mëposhtme:

1. Ndjekja dhe zgjidha e të gjitha rasteve hetimore lidhur me korrupsionin dhe krimin e organizuar në Republikën e Shqipërisë.
2. Rritja e efektivitetit në procesin e hetimit dhe zgjidhjes së rasteve mbi pastrimin e produkteve të lidhura me krimin e organizuar dhe korrupsionin.
3. Forcimi i respektimit të ligjit në drejtim të sekuestrimit dhe konfiskimit të aseteve që rrjedhin nga aktivitetet kriminale.

4. Krijimi i një strukture profesionale hetimore si Byroja Kombëtare e Hetimit që do të japë rezultate ndëpërmjet rritjes së efikasitetit të punës në çështjet hetimore për respektimin e ligjit në funksion të Strukturës së Posaçme Kundër Korrupsionit dhe Krimin të Organizuar.
5. Forcimi i kapaciteteve administrative, të afta për tu përgjigjur nevojave gjithmonë e në rritje për përmbushjen e misionit dhe vizionit të institucionit.

Menaxhimi Financiar i Strukturës së Posaçme Kundër Korrupsionit dhe Krimin të Organizuar është fokusuar në financimin e shpenzimeve për përmbushjen e objektivave prioritare strategjike të mëposhtme:

- *Përmirësimin e cilësisë së aktiviteteve të institucionit, duke rritur numrin e çështjeve hetimore në proporcion me problematikat e shkeljes së ligjit për rastet e Korrupsionit dhe Krimin të Organizuar, si dhe duke rritur kapacitetin profesional të punonjësve nëpërmjet trajnimeve.*
- *Krijimi i të gjitha kapaciteteve të nevojshme për Prokurorët, Hetuesit e BKH dhe personelin administrativ, në funksion të arritjes së rezultateve pozitive në luftën kundër krimin të organizuar dhe korrupsionit.*
- *Ofrimi i sigurisë maksimale fizike dhe financiare për personelin hetimor dhe administrativ të Strukturës së Posaçme kundër Korrupsionit dhe Krimin të Organizuar, si një garanci afatgjatë e integritetit Kushtetues të Institucionit.*
- *Zgjerimin e kapaciteteve analizuese dhe përpunuese të informacionit, në funksion të rritjes së efikasitetit dhe efektivitetit të ndjekjes së rasteve të problematikave objekt i ligjit dhe aktivitetit të SPAK.*
- *Paraqitjen e një produkti hetimor cilësor, që përkthehet në raste të suksesshme të përfunduara dhe të dërguara për gjykim pranë GJKOK.*
- *Përmirësimin e infrastrukturës së nevojshme për kryerjen e proceseve të punës në shërbim të një trajtimi sa më efektiv të rasteve hetimore.*
- *Pajisjen e punonjësve me bazën e nevojshme materiale si dhe të krijimin e kushteve të përshtatshme të punës për punonjësit.*
- *Mirëmenaxhimin e institucionit, duke aplikuar metodologjitë më të përparuara si më mirëmenaxhimin financiar ashtu edhe në trajtimin e burimeve njerëzore.*

Mbulimi e prioriteteve strategjike të institucionit me fondet e mjaftueshme buxhetore, është një synim i cili do të sigurojë institucionit pavarësinë, qëndrueshmërinë dhe integritetin e nevojshëm për arritjen e rezultateve që përmirësojnë jetën e qytetarëve.

2. Analiza e shpenzimeve faktike të programit 12 mujori 2020

Buxheti i Strukturës së Posaçme Kundër Korrupsionit dhe Krimin të Organizuar për vitin 2020 është miratuar me ligjin nr. 88/2019 “Për buxhetin e vitit 2020” i ndryshuar, ku në total rezulton të jetë planifikuar një vlerë prej 361 milion lekë. Këto burime financiare, SPAK si një institucion kushtetues, i ka përdorur në funksion të përmbushjes së plotë të detyrimeve të miratuara me ligj.

Fondet buxhetore të miratuara përmes ligjit vjetor të buxhetit, SPAK i ka administruar për financimin e aktiviteteve në një program të përcaktuar me emertimin “Veprimtaria e SPAK”. Teguesit bazë të realizimit buxhetor për këtë program paraqiten si më poshtë:

Tabela 1: Raporti i shpenzimeve të programit sipas llogarive ekonomike


Në mijë lekë

Llog. Ekonomike	Emertimi	(1) Buxheti Vjetor Plan Fillestar Viti 2020	(2) Buxheti Vjetor Plan i Rishikuar Viti 2020	(3) Buxheti 2020	(4) Fakti 12-mujor	(5)=(4)/(3) % e realizimit Plan Fakt
600	Paga	252,329.0	218,329.0	218,329.0	112,956.0	51.7
601	Sigurime Shoqërore	23,126.0	23,126.0	23,126.0	10,597.0	45.8
602	Mallra dhe Shërbime të Tjera	65,600.0	65,600.0	65,600.0	24,973.0	38
603	Subvencione					
604	Transferta Korente të Brendshme					
605	Transferta Korente të Huaja					
606	Trans per Buxh. Fam. & Individ		120.0	120.0	50.0	41.6
Nen-Totali	Shpenzime Korrente	341,055.0	307,175.0	307,175.0	148,576.0	48.3
230	Kapitale të Patrupëzuara					
231	Kapitale të Trupëzuara	20,000.0	20,000.0	20,000.0	18,475.0	92.3
232	Transferta Kapitale					
Nen -Totali	Shpenzime Kapitale me financim te brendshem	20,000.0	20,000.0	20,000.0	18,475.0	92.3
230	Kapitale të Patrupëzuara					
231	Kapitale të Trupëzuara					
232	Transferta Kapitale					
Nen -Totali	Shpenzime Kapitale me financim te huaj	0.0	0.0	0.0	0.0	0
Totali	Shpenzime Kapitale	20,000.0	20,000.0	20,000.0	18,475.0	92.3
Shpenzime nga Të ardhurat jashte limiti					0.0	
Totali (korrente + kapitale + Shp nga te ardh.jashte limiti)		361,055.0	327,175.0	327,175.0	167,011.0	51.1

Burimi: Drejtoria e Financës dhe Ekonomisë, SPAK (2021);

Pesha specifike sipas llogarive ekonomike të shpenzimeve të planifikuara mbi totalin e shpenzimeve, paraqitet sipas grafikut të mëposhtëm:

Grafiku 1: Pesha sipas llogarive ekonomike e planit të buxhetit 2020




Burimi: Drejtoria e Financës dhe Ekonomisë, SPAK (2021);

Duke marrë në analizë peshën e shpenzimeve sipas llogarive ekonomike mbi totalin e buxhetit të SPAK, ashtu siç mund të konstatohet në grafikun më lart pjesën më të madhe të planit të shpenzimeve buxhetore e zënë llogaria “Paga” në rreth 70%, pas tij llogaria me peshën më të madhe është ajo e “ Mallara dhe shërbime të tjera” me rreth 18%, ndërkohë që “Sigurime” dhe “Shpenzimet kapitale” zënë një peshë mjaft të vogël në vetëm nga 6%.

Duke u mbështetur mbi veprimtarinë bazë të instiucionit, kjo shpërndarje e planit të shpenzimeve buxhetore lidhet drejtpërdrejt me natyrën e punës dhe kërkesat e SPAK për të përmbushur detyrimet ligjore.

Nga ana tjetër, pesha specifike sipas zërave të shpenzimeve faktike të buxhetit 2020 mbi totalin e realizimit, paraqitet sipas grafikut të mëposhtëm:

Grafiku 2: Pesa sipas llogarive ekonomike e realizimit faktik të buxhetit 2020



Burimi: Drejtoria e Financës dhe Ekonomisë, SPAK (2021);

Nëse do të marrim në analizë peshën e llogarive ekonomike ndërmjet atyre të planifikuara dhe të realizuara sipas grafikëve 1 dhe 2 të mësipërm, evidentohet një ruajtje të peshës së këtyre shpenzimeve si në buxhetin e planifikuar ashtu edhe në atë të realizuar për vitin 2020. Qëndrueshmëria financiare e institucionit dhe ndjekja me rigorozitet e procedurave të menxhimit financiar publik, kanë udhëhequr veprimtarinë administrative të institucionit.

Viti 2020, ishte viti i krijimit të SPAK si institucion buxhetor dhe sigurisht është përballuar me sfida të mëdha në drejtim të ngritjes së strukturave të cilat do të hedhin themelet e institucionit të ri për të vazhduar konsolidimin në vitin 2021 dhe në vitet në vazhdim. Gjatë viteve në vazhdim, do të syohet konsolidimi financiar dhe administrativ i institucionit me qëllim arritjen plotësisht të realizimit buxhetor dhe treguesve të performances të përcaktuar në programin buxhetor afatmesëm 2021-2023.

Nga ana tjetër, faktorë të rëndësishëm në mosrealizimin e treguesve buxhetor të institucionit lidhen me efektet që shkaktoj pandemia COVID-19 si pasojë e ngadalësimit të proceseve të planifikuara në fillim të vitit. Mungesa e stafit por dhe vendosja në rikonstruksion nga Ministria e Brendshme e godinës së pak ka bërë që shumë shpenzime operative që lidhen me objektin nuk janë realizuar në pjesën më të madhe të vitit.

Për arsye të procedurave ligjore të ndërlikuara, nuk u përmbush jo vetëm kërkesa e vazhdueshme e SPAK për plotësimin me prokurorë në përputhje me kërkesat ligjore, por gjithashtu nuk u përfundua procesi i rekrutimit të oficerëve hetimor pranë Byrosë Kombëtare të Hetimit. Vonesa gjithashtu si pasojë e procedurave ligjore ka patur edhe në rekrutimit të punonjësve administrativ sipas strukturës së miratuar.

3. Analiza sipas llogarive ekonomike 2020

Realizimi i shpenzimeve sipas zërave për 12-mujorin e vitit 2020, krahasuar me planin vjetor në programin buxhetor “Veprimtaria e SPAK”, paraqitet në pasqyrën e mëposhtme:

Tabela 2: Diferenca Plan/Fakt shpenzimeve të programit sipas llogarive ekonomike

Llog. Ekonomike	Emertimi	Ne mijë lekë			
		(1) Buxheti 2020	(2) Fakti 12-mujor	(3) = (2)-(1) Diferenca	(4) = (2) / (1) % e realizimit Fakt / Plan
600	Paga	218,329.0	112,956.0	-105,373.0	51.7
601	Sigurime Shoqërore	23,126.0	10,597.0	-12,529.0	45.8
602	Mallra dhe Shërbime të Tjera	65,600.0	24,973.0	-40,627.0	38
603	Subvencione			0.0	
604	Transferta Korente të Brendshme			0.0	
605	Transferta Korente të Huaja			0.0	
606	Trans per Buxh. Fam. & Individ			0.0	
Non-Totali	Shpenzime Korrente	307,055.0	148,526.0	-158,529.0	43.5
230	Kapitale të Patrupëzuara			0.0	
231	Kapitale të Trupëzuara	20,000.0	18,475.0	-1,525.0	92.3
232	Transferta Kapitale			0.0	
Non -Totali	Shpenzime Kapitale me financim te brendshem	20,000.0	18,475.0	-1,525.0	92.3
230	Kapitale të Patrupëzuara			0.0	
231	Kapitale të Trupëzuara			0.0	
232	Transferta Kapitale			0.0	
Non -Totali	Shpenzime Kapitale me financim te huaj	0.0	0.0	0.0	0
Totali	Shpenzime Kapitale	20,000.0	18,475.0	-1,525.0	92.3
Shpenzime nga Të ardhurat jashte limiti		0.0	0.0		0.0
Totali (korrente + kapitale + Shp nga te ardh.jashte limiti)		327,055.0	167,001.0	-160,054.0	-160,054.0

Burimi: Drejtoria e Financës dhe Ekonomisë, SPAK (2021);

3.1 Shpenzimet e personelit

Plani i fondeve të akorduara përmes ligjit vjetor të buxhetit 2020, në zërin e shpenzimeve për paga dhe sigurime shoqërore janë në vlerën e rreth 241,455 mijë lekë ose e thënë ndryshe rreth 73.8% e totalit të buxhetit të Strukturës së Posaçme Kundër Korrupsionit dhe Krimit të Ogrnaizuar. Nga ana tjetër në raport me planin buxhetor shpenzimet për paga dhe sigurime janë realizuar në vlerën e rreth 123,553 mijë lekë ose rreth 51.1% e planit të miratuar për këtë natyrë të shpenzimeve. Gjatë vitit buxhetor, përmes akteve

normative nuk ka patur ndryshime në buxhetin e SPAK, duke ruajtur në këtë mënyrë qëndrueshmërinë buxhetore në funksion të përmbushjes së objektivave vjetore të plotësimit si të stafit administrativ ashtu edhe të personelit hetimor të Byrosë Kombëtare të Hetimit. Në fund të vitit buxhetor përmes VKM nr. 926, datë 25.11.2020 SPAK i është zbritur në masën 34 milion lekë në llogarinë korrente. Këto fonde kanë rezultuar të lira dhe të panevojshme për tu përdorur nga institucioni deri në mbyllje të vitit buxhetor.

Fonde për shpenzimet e personelit në zërin “Paga dhe Sigurime” të Strukturës së Posaçme Kundër Korrupsionit dhe Krimin të Organizuar përfshin pagat e punonjësve të strukturës dhe punonjësve me kontratë të përkohëshme të marrë në funksion të ngritjes së infrastrukturës së nevojshme për realizimin e aktiviteteve të institucionit. Në kushtet kur SPAK është një institucion i krijuar rishtazi në 1 Janar të vitit 2020, procesi i formimit si në kuadrin e aktiviteteve dhe gjithashtu të punonjësve është shtrirë në kohë përgjatë gjithë vitit 2020.

Në zbatim të përcaktimeve ligjore të ligjit nr. 95/2016 “Për organizimin dhe funksionimin e institucioneve për të luftuar korrupsionin dhe krimin e organizuar”, procesi i rekrutimit të punonjësve hetimorë dhe administrativë pranë SPAK ka një procedure specifike dhe mjaft të detajuar ligjore që synon përzgjedhjen e personave nën një set kriteresh për respektimin e integritetit të institucionit. Si pasojë e këtyre procesve që kanë zgjatur në kohë për plotësimin e kërkesave ligjore me prokurorë, oficerët e Byrosë Kombëtare të Hetimit por gjithashtu edhe të personelit administrativ shpenzimet e kësaj natyre kanë rezultuar me këtë nivel mosrealizimi.

Ky proces është planifikuar të përmbushet gjatë vitit 2021, duke u kompletuar me të gjitha kapacitetet e nevojshme njerezore e teknike në funksion të objektivave në luftën kundër korrupsionit dhe krimin të organizuar.

3.2 Shpenzime për mallra dhe shërbime të tjera

Aktiviteti operacional dhe hetimor i SPAK gjatë vitit buxhetor 2020 është mbështetur nga buxheti i shtetit në llogarinë e mallarve dhe shërbimeve (Llogaria ekonomike 602) në vlerën e planifikuar prej rreth 65,600 mijë lekë. Gjatë vitit 2020, institucioni nga kjo llogari ka realizuar rreth 24,973 mijë lekë ose ndryshe 38% të planit të parashikuar vjetor. Gjatë vitit buxhetor nuk ka patur ndryshime në planin e kësaj natyre të shpenzimeve duke ruajtur qëndrueshmërinë dhe objektivat fillestarë të institucionit.

Ashtu siç mund të konstatohet në tabelën dhe përcaktimin e mësipërm, ky nivel i ulët mosrealizimi gjatë vitit 2020 ka ardhur për shkak se institucioni ka operuar në kushtet e mungesës së aktivitetit të plotë si pasojë e mosrekrutimit të stafit administrative dhe

Byrosë Kombëtare të Hetimit. Mungesa e personelit hetimor dhe administrativ ka bërë që shumë aktivitetet të planifikuara për tu realizuar kanë mbetur të parealizuara dhe janë shtrirë në kohë. Nga ana tjetër si pasojë e pandemisë COVID-19 dhe procesit të rikonstruksionit të godinës së SPAK nga Ministria e Brendshme, gjatë vitit 2020 prokuroria ka punuar në kapacitetet të reduktura njerëzore rrjedhim i së cilës janë edhe mosrealizimi i kësaj natyre të shpenzimeve .

3.3 Transferta për buxhete familjare

Gjatë vitit buxhetor 2020, për Strukturës e Posaçme Kundër Korrupsionit dhe Krimit të Organizuar është planifikuar si Fond i Veçantë (Llogaria 606) për mbulimin e rasteve të fatkeqësive në përputhje me përcaktimet e vendimit të Këshillit të Ministrave vlera prej 120,000 lekë. Ky fond gjatë vitit 2020 është përdorur në vlerën e 50 mijë lekë, duke mbuluar rastet e sëmundjeve të rënda të punonjësve dhe daljes në pension. Gjatë vitit buxhetor 2020, nuk është kërkuar shtesë fondi për këtë natyre të shpenzimit për shkak të mirëmenaxhimit të rasteve që mbulohen nga kjo llogari.

3.4 Shpenzime për Investime Kapitale

Në mbështetje të përcaktimeve të ligjit nr. 88/2019 “Për buxhetin e vitit 2020”, është planifikuar për të realizuar në fomën e investimeve pranë SPAK vlera prej 20,000 mijë lekë me qëllim mbulimin e shpenzimeve të nevojshme në formën e investimeve. Gjithashtu, evindetohet që nga ky fond është realizuar gjatë vitit 2020 në vlerën e rreth 18, 475 mijë lekë ose ndryshe rreth 92.3% e totalit të fondit të planifikuar. Gjatë vitit 2020, përmes rishikimeve buxhetore në Akte Normative, Struktura e Posaçme kundër korrupsionit dhe Krimit të Organizuar në këtë llogari nuk ka patur ndryshime.

Investimet e realizuara nga SPAK, kanë burim financimi plotësisht buxhetin e shtetit dhe nuk mbulohen në asnjë rast nga financimet e huaja. Në këtë kuptim, nuk ka patur aktivitete të cilat janë mbuluar nga kjo natyrë shpenzimi.

Realizimi i Investimeve me Financim të Brendshëm sipas zërave është realizuar si më poshtë;

- | | |
|---|-------------|
| • Blerje Automjete | 17,760 mijë |
| • Blerje paisje zyre (makina lidhese & grirese) | 119 mijë |
| • Shpenzime te tjera paisje zyre | 596 mijë |

TOTALI

18,475 mijë lekë

Struktura e Posaçme Kundër Korrupsionit dhe Krimit të Organizuar, për shkak të specifikave të krijimit në vitin buxhetor 2020, një pjesë të shpenzimeve kapitale si

rikonstrukcioni i godinës, blerja e paisjeve specifike të punës hetimore dhe mobilimi janë realizuar nga Ministria e Brendshme për tu vendosur në dispozicion të SPAK.

3.5 Shpenzime nga të ardhurat jashtë limitit

Struktura e Posaçme Kundër Korrupsionit dhe Krimit të Ogranizuar, gjatë vitit buxhetor 2020 nuk ka krijuar të ardhura jashtë limiti dhe si rrejdhim të gjitha efektet financiare janë mbuluar brenda buxhetit vjetor të miratuar me ligjin vjetor të buxhetit.

3.6 Detyrimet e prapambetura

Gjatë vitit buxhetor 2020, Struktura e Posaçme Kundër Korrupsionit dhe Krimit të Organizuar, ka likujtuar me korrektesë të gjitha detyrimet të krijuara nga aktiviteti ndaj palëve të treta. Si pasojë procedurale e kontraktimit në fund të vitit 2020 është krijuar një detyrim i prapambetur në vlerën e 340,400 lekë për pagesën e sigurimit kasko të automjeteve të eskortës shoqëruese të prokurorisë faturë e mbetur e papaguar për arsye procedurale. Ky detyrim i përket vitit buxhetor 2020, si rrejdhojë e ngjarjes ekonomike kur është bërë veprimi.

Realizimi i produkteve buxhetore në nivel performance për Strukturën e Posaçme kundër Korrupsionit dhe Krimit të organuzar për vitin 2020 paraqiten si më poshtë:

Tabela 3: Raporti I realizimit të objektivave të plotikës së programit

**Treguesit e performancës/Produktet:					
Emertimi i Treguesit te Performances***/Produktit	Niveli faktik i vitit 2019	Niveli i planifikuar ne vitin 2020	Niveli i rishikuar ne vitin 2020	Niveli faktik ne fund te vitit 2020	% e Realizimit te Treguesit te Performances/Produktit
Raporti midis numrit të çështjeve të përfunduara kundrejt atyre të regjistruara.	0	41%	41%	30%	73%
Raporti midis numrit të çështjeve të dërguara për gjykim kundrejt atyre të përfunduara.	0	66%	66%	40%	61%
Raporti midis numrit të personave të gjykuar kundrejt atyre të regjistruar.	0	96%	96%	60%	63%

Burimi: Drejtorja e Financës dhe Ekonomisë, SPAK (2021);

Për sa konstatohet më lart në tabelën e parqitur produktet buxhetore të planifikuara në programin “Veprimtaria e SPAK” kanë një nivel realizimi mbi mesataren e planifikuar në fillim të vitit, duke u konsideruar si një rezultat mjaft të lartë në kushtet e argumentave si më poshtë vijon:

- SPAK është një institucion i krijuar në vitin 2020 dhe si rrjedhim ka operuar në kushtet e mungesës së kapacitetit për formimin e plotë të strukturave;
- Si rrejdhojë e procedurave specifike të rekrutimit nuk është vendosur në funksion të plotë Byroja Kombëtare e Hetimit, e cila ka si objekt përmbushjen e plotë të këtyre treguesve të performancës;

Strukturës së Posaçme Kundër Korrupsionit dhe Krimin të Organizuar në vazhdim të treguesve të realizuar gjatë vitit buxhetor 2020, do të marrë agazhimin që gjatë vitit 2021 e në vazhdim të realizojë plotësisht të gjithë treguesit e performancës së përcaktuar. Ky rezultat do të arrihet përmes zbatimit të plotë të metodologjive që rregullojnë Menaxhimin Financiar Publik mbi bazaë performance të miratuar nga Ministria e Financave dhe Ekonomisë.

DREJTUES I STRUKTURËS

ARBEN KRAJA